

亥22

23-11

救
急
選
方

全



方

救

二

急

卷

選



中醫之精湛淵博。漸爲世界所注意。然歐美之所研究者藥物而止。日本則進乎理論之探討。歐美之所弋獲者僅當最近期間。日本則遠在明治維新之前。因維新而廢漢醫。因廢漢醫而感受西方醫學之不完美而復有復興皇漢醫學之舉。則其甘苦備嘗。中西醫價值之比較。尤爲親切顯著焉。是故我國醫界欲求改進。最適宜之參攷。厥爲日本漢醫之述作。本局有鑒於此。爰有皇漢醫學編譯社之組織。廣求彼土之名著。以供他山之攻錯。先印聿修堂醫學叢書十三種。書爲丹波元簡畢生心血之所聚。攷古精覈。持理平正。方藥純粹。審定謹嚴。求之我國。鮮出其右。宜乎楊守敬稱其有三美。洵非虛語也。印竣。爲述崖略。以告世之愛護而有志中醫者。嗣後會當陸續編譯。以期蔚爲大成。發揚中醫。鞏固中醫。倘其嚆矢乎。

中華民國二十四年十月上海中醫書局謹誌



救急選方序

華元化曰。人有危病。急如風雨。命醫不及。須臾不救。觀其橫夭。實可哀憐。先府君有深慨於斯。因撰國字方書三卷。寬政初。鏤版於醫學。以傳。於是自通邑大都。以及窮陬僻壤。藉此而全活者。陸續尤多。乃爲世之鴻寶焉。而又將別編一書。以資醫家應急之便。有志而不果。無何罹沉疴。今年夏五溘逝。簡泣血之餘。念所以仰承先志。質性鈍。不能紹述其萬一。尙何有所發揮也。嘗歷觀今代醫師。孰不研其學。而逞其技。以理療危險之疾難。而至其稍龐者。則有宿食在上脘。宜用鹽湯若瓜蒂涌吐之。而却用備急。升降乖錯。闕焉而死者。有中風脫證。當與參附峻補之。而認爲發痧。挑血而立斃者。霍亂不辨乾溼。驚風不別急慢。疔瘡灼艾。火燒貼膏之類。亦間有焉。又至其最下者。則遣卒暴之病。少異於尋常者。睜眙不知所出。孟浪處措。或至殞命。歸之于天。恬不爲怪。爲醫如斯。不獲罪於冥冥者幾希。此無他。因不講明救卒拯急之術於素常也。而世所傳如

救急易方。雖名曰救急。其實不論病之緩急。採輯方藥單省。倉卒易辦者。以具各門。不足端爲危急諸疾之備也。簡丁艱以來臥病者五閱月。其間時時披閱架藏諸書。於危證門中。遴擇最簡捷者。勒爲上下編。名曰救急選方。唯空釋撫不精。掛一漏百。未知副先志否。九原叵起。趨庭無期。徒增慟哭而已。然竊意斯書諸方。悉是前賢所詒。已述其明驗。而有試之于今。其效應如影響者。後進之士。常熟此編。能諳其證理。預備其藥劑。則奏回天之功於逡巡咄嗟之間者。或有之矣。雖然。古人有言曰。病之變狀。不可一概言之。所以醫方千卷。猶未盡其理。若至臨其變。則當推未盡之理而運用之。圓機之妙。在於神悟矣。

享和紀元冬十一月望丹波元簡廉夫撰

救急選方凡例

一是書。端爲拯急救危之備焉。凡閒暇之時。宜繙閱之。知某法可以療某病。某物可以理某證。留心記憶。或預畜。或預製。一遇危急。察脈揣腹。審辨甄別。卽與拯救耳。卒病暴疾。或有萬無生機。而翻然致甦者。則呻吟窘迫。呼吸危亡之際。須竭心力。死中求活。此仁人之心術。先府君所以深望於醫家輩。簡區區。所以葺此書之一大關鍵也。

一病有陰陽塞脫之不同。倉猝之際。或難辨認者。間揭其厓略。以爲蒙學指南。一中風脚氣之類。證候多端。茲彙輯倉皇拯救諸方而已。其稍涉輕緩。可以從容調理者。概置不錄。

一輯仲景而降。歷代諸方。旁及

本邦所傳。有一證而臚列數方者。非驚博也。地異產殊。時移物換。此之所有。彼之所無。欲因便取材耳。是乃拯急救危之本意也。

一每方各註所出書目。然多隨見採摘。未遑一一尋究。恐未免差錯。且如拯救諸法。有疎于前。而詳于後者。今特採其詳。而切乎施用者。不拘於出典之前後。又如本草綱目附方。盡載出典。而其元書佚于今。而無由乎讎對詳明者。姑以本草附方四字概之。

一金瘡癰撲疔瘡。獨輯內科方。至如貼敷膏散等。責在瘍醫。故一概不錄。一分兩升合。隨時更變。輕重不等。今每方直依元書而載之。不敢以意改易。用者當視病淺深。察藥柔峻。酌古準今。以從俗便。

一藁本未繕。及門洊催傳佈。葢工入梓。如其遺漏。當爲續方而嗣刻。

丹波元簡識



救急選方目錄

卷上

諸卒死門

五絕死門

脫陽門

癲癇門

中暑喝死門

攪腸沙門

諸卒失血門

急喉痺門

卒暴雜證門

婦人急證門

附轉筋卒聾

牙關緊急暴盲

舌

卒腫瘡毒內攻目睛突出傷寒併熱霍亂

中惡門

卒中風門

諸厥門

中寒凍死門

霍亂門

脚氣衝心門

卒心腹痛門

小便急閉門

附積氣卒疝奔鬱豚

小兒急證門



卷下

疔瘡急證門

破傷風門

諸咬傷門

誤吞諸物門

諸物入肉門

中飲食毒門

總三十門

金瘡攪撲門

湯火傷門

諸物入耳門

諸物哽噎門

中藥毒門

附 附
眼入 鼻入
指兒 被物 撞入
入頭 竹筒 白
筒 白 着目

救急選方目錄終



南京中醫藥大學圖書館版權所有

救急選方卷上

第 十 種
書
修 堂 醫 學 叢 書

丹波元簡廉夫 撰

諸卒死門

三物備急丸

金匱

主心腹卒暴百病。若中惡客忤。心腹脹滿。卒痛如錐刺。氣急口

噤。停尸卒死。

大黃

一兩

乾薑

一兩

巴豆

一兩 熬外研去皮心脂

右藥各須精新。先擣大黃乾薑爲末。研巴豆納中。合治一千杵。用爲散。蜜和丸。亦佳。密器中貯之。莫令歇氣。○主心腹諸卒暴百病。若中惡客忤。心腹脹滿。卒痛如錐刺。氣急口噤。停尸卒死者。以煖水若酒。服大豆許三四丸。或不下。捧頭起灌。令下咽。須臾當瘥。如未瘥。更與三丸。當腹中鳴。卽吐下便瘥。若口噤。亦須折齒灌之。

案古今錄驗。司空三物備急散。療卒死及感忤。口噤不開者。卽本方爲散。服如大豆二枚。

還魂湯

金匱

救卒死客忤死。



麻黃 三兩

杏仁 七十箇

甘草 一兩

右三味以水八升。煮取三升。去滓。分令咽之。通療諸感忤。○裏實者。用備急丸。表實者。用還魂湯。鑑金

救卒死方。鑑金雄雞冠。割去血管。吹納鼻中。○薤。搗汁灌鼻中。

又方。肘後半夏末。如大豆許。吹鼻中。案此千金。療五絕法。心下溫者。一日亦可治。

又方。上同灸臍中百壯。○又方。令人痛爪其人人中。取醒。○又方。以細繩圍其人

肘腕中。男左女右。伸繩從背上大椎度。以下行脊上。灸繩頭。一云。五壯。又從此

灸。橫行各半繩。此凡三灸。各灸三壯。即起。○又方。灸鼻下人中三壯。○又方。

灸兩足大指爪甲聚毛中七壯。此華陀法。一云。三七壯。

又方。祕方集驗燒炭火一杓。以醋澆之。令患人鼻受醋氣。即甦。

救卒死而壯熱者。鑑金礬石半斤。以水一升半。煮消。以漬脚。令沒踝。

救卒死而張目反折方。鑑金灸手足兩爪後各十四壯。了飲以五毒諸膏散。有巴豆者。

救卒死而四肢不收。失便者方。鑑金馬屎一升。水三斗。煮取二斗。以洗之。又以牛



洞一升。溫酒灌口中。灸心下一寸。臍上三寸。臍下四寸。各一百壯。差。

小兒卒死。

本草附方

無故者。取葱白納入下部。及兩鼻孔中。氣通。或噫即活。

卒死。或先有病痛。或居常倒仆。奄忽而絕。皆是中惡之類。

後肘

取葱中央心刺鼻。

令入七八寸無苦。使目中血出乃佳。一云耳中血出佳。○又方。令二人以衣。

塞口。吹其兩耳。極則易人。亦可以葦筒吹之。並捧其肩上。側身遠之。莫臨死。

人上。○又方。以葱刺耳。耳中鼻中血出者。勿怪。無血難療之。有血者是活候。

也。○又方。視其上唇裏弦。有青息肉。如黍米大。以針決去之。瘥。○又方。以綿。

漬好酒。納鼻中。手按令汁入鼻中。並持其手足。莫令驚動也。○又方。取皂莢。

如大豆。吹其兩鼻中。噫則氣通矣。○又方。灸其唇下宛宛中。名承漿。十壯。大。

良。

備急。療卒死而口噤不開者。

外臺

縛兩手大拇指。灸兩白肉中二十壯。

集驗。療卒死而有脈形候。陰氣先盡。陽氣後竭故也。方。

外臺

嚼薤哺灌之。

驚怖卒死。

本草附方

溫酒灌之。即醒。

療火盜兵戈。驚氣入心。不能言語者。危證簡便證蜜陀僧末一錢。清茶調下。驚則氣亂。

陀僧之重。以去怯而平肝也。

小兒驚死。醫法指南用生慈姑汁和白蜜灌之。

偶見人斬血籍籍。驚愕卒死者。本朝經驗溫酒灌之。醋亦可。

療火燒悶絕不識人。以新尿冷飲之。及冷水和蜜飲之。口噤絞開與之。金下

療因回祿煙薰致死者。古今醫鑑生蘿蔔搗汁頻咽。并嚼塗火瘡。

附免烟薰死法。醫林集要居民逃避石室中。賊以煙火薰之。欲死。迷悶中。摸索得

一束蘿蔔。嚼汁下咽而甦。又炭煙熏人。往往致死。含蘿蔔一片。著口中。

煙氣不能毒人。或預曝乾為末備用。亦可。或新水搗爛乾蘿蔔飲之。亦

可。

又法。李樓怪症方一口呵地。即不死。

退烟散。本朝金驗方預服免烟薰死。蒿雀數個。去腸。實硃砂末。浸蘿蔔自然

汁一宿。取出。內瓦器中。鹽泥固濟。煨存性。研末。每服五七分。白湯及冷



水下。又療產後血暈。○又法。葡萄多食免死。成膏為備尤良。

療笑死

壽域神方

凡口有微氣。心下溫者。用食鹽成塊者二兩。火燒令通赤。候冷研

細。以河水一大碗。同炒至二五沸。放溫分三次服之。後以鵝翎探於喉中。吐

去熱痰三五升。後服黃連解毒湯三二服。則笑自定。人可活矣。案張子喜和笑

不休半年。用此法。醫統云。黃連解毒湯。加半夏竹瀝薑汁。療喜笑不休。極效。

○喜笑欲死者。鍼列缺二穴。在手大指後。

臂上三寸。及大陵二穴。在掌後橫紋中。鍼三分。立效。

療入井塚悶冒方。外臺取其水。灑人面。令飲之。又以灌其頭及身體。即活。若無水。

取他水用也。

又方

壽世保元

以水噴其面。并含水。調雄黃末一二錢。入水噴之。

又方

本朝經驗

急解患人衣。偃臥溼地上。以醋噴其面。蓋以草薦。半時許。即甦。

救暈鍼法

鍼灸聚英

假令鍼肝經氣暈。以補肝經。鍼入復甦。○甘草一二錢。水煎灌

下。

本朝經驗

又方

玉機微義

暈鍼着。奪命穴。救之。男左女右。取之不同。却再取右。女亦然。此穴正

在手膊上側筋骨陷中。蝦蟆兒上。自肩至肘。正在當中。醫學綱目云。在曲澤上一尺。針入三分。

鍼暈者。神氣虛也。不可起鍼。以鍼補之。急用袖掩病人口鼻。回氣內。與熱湯飲之。即甦。良久再鍼。甚者。鍼手膊上側陷中。即蝦蟆肉上。惺惺穴。或三里。即甦。

若起鍼壞人。門入

入浴暈倒。本朝經驗以冷水噴面。及澆周身。苦酒一鍾。灌口鼻中。或醒後。刺者。蘇子

降氣湯。調辰砂末飲之。

苓朮湯。三因治暑溼鬱發。或入浴暈倒。口眼喎邪。手足譚曳。皆溼溫類也。

附子

茯苓

白朮

乾薑

澤瀉

桂心

右等分。水煎服。

凡人暴死。多是疔毒。急取燈。遍照其身。若是小瘡。即是其毒。宜急用萬靈奪命

丹之類。瘍醫大全。方出疔瘡門。

中惡門



朱犀散效得治中惡中忤鬼氣。其證暮夜或登廁。或出郊野。或遊空冷屋室。或人

所不至之地。忽然眼見鬼物。鼻口吸着惡氣。驀然倒地。四肢厥冷。兩手握拳。鼻口出清血。性命逡巡。須臾不救。此證與尸厥同。但腹不鳴心脇俱煖。凡切勿移動其屍。即令親戚圍繞。燒麝香安息香樟木之類。直候醒知事。方可移歸。

犀角末錢五

麝香

硃砂錢各半

右爲末。每服二錢。井水調下。如無前藥。用雄黃末。服一錢。煎桃枝湯調灌。

走馬湯附金匱方療中惡心痛腹脹。大便不通。

杏仁枚二

巴豆枚二

右二味。以綿纏。槌令碎。熱湯二合。捻取白汁飲之。當下。老小量之。通治飛尸鬼擊。

又方外臺仰臥以物塞兩耳。以兩個竹筒。納死人鼻中。使兩人痛吹之。塞口傍無令氣得出。半日所死人噫噫。勿復吹也。



又方後肘灸兩足大拇指上甲後聚毛中。各灸二七壯。即愈。○又方。灸右肩高骨上。隨年壯良。

中惡之證。因冒犯不正之氣。忽然手足逆冷。肌膚粟起。頭面青黑。精神不守。或錯言妄語。牙緊口噤。或頭旋暈倒。昏不知人。即是卒厥客忤。飛尸鬼擊。弔死問喪。入廟登塚。多有此病。蘇合香圓灌之。方見中風候稍甦。服調氣平胃散。說要

白豆蔻

丁香

檀香

木香

各二兩

藿香

甘草

各八兩

砂仁

四兩

蒼朮

八兩

厚朴

陳皮

各二兩

右姜棗水煎。入鹽一捻。

五絕死門

療五絕死方。金千夫五絕者。一曰自縊。二曰墻壁壓。三曰溺水。四曰魘寐。五曰產乳絕。皆取半夏一兩。細下篩。吹一大豆許。納鼻中。即活。心下溫者。一日亦